

Ո Ր Ո Շ ՈՒ Մ

Ճանապարհային ոստիկանության վարչական իրավախախտման գործով 22.05.2021թ. կայացված ԱՖ652466 որոշումն անփոփոխ և վարչական բողոքն առանց բավարարման թողնելու մասին

<< 29 >> 06 2021թ. 7-13- 10258

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Ռուդիկ Խաչատրյանի ՄԴ/51122-21 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Գեղարքունիքի մարզի, Կարմիր գյուղի, Հ.Ավետիսյան փողոցի 24-րդ տան բնակիչ Ռուդիկ Խաչատրյանը դիմումում նշելով իր անհամաձայնությունը խնդրել է բեկանել 22.05.2021թ. ԱՖ652466 որոշումը: Միաժամանակ հեռախոսակապի միջոցով հայտնել է, որ դիմումին ավելացնելու ոչինչ չունի, խնդրել է դիմումը քննել առանց իր մասնակցության և արդյունքների մասին տալ գրավոր պատասխան:

Դիմումի քննարկման արդյունքում պարզվել է, որ վարչական իրավախախտման վերաբերյալ գործով 22.05.2021թ. կայացված ԱՖ652466 որոշումը ենթակա են կատարման հետևյալ պատճառաբանությամբ.

<<Ճանապարհային երթևեկության անվտանգության ապահովման մասին>> ՀՀ օրենքի 18-րդ հոդվածի 1-ին մասի <<գ>> կետի համաձայն՝ տրանսպորտային միջոցի երթևեկությունն արգելվում է, եթե վարորդը տրանսպորտային միջոցը վարում է առանց տվյալ կարգի տրանսպորտային միջոց վարելու իրավունքի.

Վարչական իրավախախտումների վերաբերյալ ՀՀ օրենսգրքի 128-րդ հոդվածի 1-ին մասի համաձայն տրանսպորտային միջոցներ վարելու իրավունք չունեցող անձանց կողմից տրանսպորտային միջոցներ վարելը՝ առաջացնում է տուգանքի նշանակում՝ սահմանված նվազագույն աշխատավարձի քսանհինգապատիկի չափով:

Նյութերի նախապատրաստման ընթացքում պարզվել է, որ 22.05.2021թ. ժամը 09:10-ի սահմաններում Դիլիջան քաղաքի Կամոյի փողոցի անշարժ պահակետում դիմումատուի վարած <<HOVO>> մակնիշի ZV012VZ հաշվառման նհամարանիշի ավտոմոբիլը կանգնեցվել է Ճանապարհային ոստիկանության ՃՊԾ 2-րդ սպայական գումարտակի 4-րդ սպայական վաշտի 2-րդ սպայական դասակի տեսուչ, ոստիկանության ավագ լեյտենանտ Ս.Գասպարյանի կողմից ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> 28.06.2007թ-ի թիվ 955-Ն որոշման համաձայն 163-րդ կետի 3-րդ ենթակետի <<ա>> պարբերության պահանջի խախտման համար, այն է՝ վարորդը առանց համապատասխան թույլտվության վարել է մեծ եզրաչափով տրանսպորտային միջոց, որի եզրաչափը գերազանցել է ըստ լայնության 2.55 մետրը /տես **արձանագրություն ԱՖ652467**/: Ստուգումից պարզվել է նաև, որ վարորդը տրանսպորտային միջոցը վարում է՝ չունենալով տվյալ կարգի տրանսպորտային միջոց վարելու իրավունք: Վարորդի նկատմամբ կազմվել է վարչական իրավախախտման վերաբերյալ արձանագրություն և Վարչական իրավախախտումների

վերաբերյալ ՀՀ օրենսգրքի 128-րդ հոդվածի 1-ին մասի համաձայն կայացվել է ԱՖ652466 որոշումը:

Միաժամանակ ոստիկանության ծառայողը հայտնել է, որ իր և վարորդի միջև ծառայողական բնույթի խոսակցություններից բացի այլ խոսակցություններ չեն եղել:

Ճանապարհային ոստիկանության ծառայողի կողմից տրված պարզաբանման համաձայն քաղաքացի Ռ.Խաչատրյանի վարած <<HOVO>> մակնիշի ZV012VZ հաշվառման համարանիշի ավտոմոբիլը կանգնեցվել է առանց համապատասխան թույլտվության մեծ եզրաչափեով տրանսպորտային միջոց, վարելու համար: Ստուգումից պարզվել է, որ վարորդը տրանսպորտային միջոցը վարում է՝ չունենալով տվյալ կարգի տրանսպորտային միջոց վարելու իրավունք: Վարորդի նկատմամբ կազմվել է վարչական իրավախախտման վերաբերյալ արձանագրություն և Վարչական իրավախախտումների վերաբերյալ ՀՀ օրենսգրքի 128-րդ հոդվածի 1-ին մասի համաձայն կայացվել է ԱՖ652466 որոշումը: Քաղաքացի Ռ.Խաչատրյանի կողմից կատարված իրավախախտումը հիմնավորող՝ տեխնիկական միջոցների կիրառմամբ ձեռք բերված այլ ապացույցներ առկա չեն, սակայն իրավախախտումը եղել է անմիջապես իրենց տեսադաշտում, ակնհայտ և պարզ տեսանելի:

Այսպիսով, դիմումատուի արարքում առկա է Վարչական իրավախախտումների վերաբերյալ ՀՀ օրենսգրքի 128-րդ հոդվածի 1-ին մասի, հատկանիշները, իսկ, ԱՖ652466 որոշումն օրինական է և հիմնավոր, ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական իրավախախտման վերաբերյալ գործով 22.05.2021թ. կայացված ԱՖ652466 որոշումը թողնել անփոփոխ, իսկ վարչական բողոքն առանց բավարարման :
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել Ռուդիկ Խաչատրյանին և Ճանապարհային ոստիկանության ՃՊԾ 2-րդ սպայական գումարտակ:



Ե.Կարապետյան